



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Concilivm Santonense In Qvo Nantinvs Comes Engolismensis ab Heraclio episcopo excommunicatus, in gratiam ab eodem Synodi rogatu receptus est, eodem, vt videtur, Christi anno DLXXIX.

urn:nbn:de:hbz:466:1-15221

52 PELACIVS C. CABILONENSE. IVSTINVS IVN. IMPERATOR.
P. II. CHILPERICVS REX FRANC.

ANNO
CHRISTI
579.

CONCILIVM CABILONENSE

GVNTRAMNI REGIS IVSSV CONVOCATVM
aduersus Salonium Ebredunensem, & Sagittarium Va-
pincensem episcopos, qui iterato iudicio in hac Synodo
ab episcopatu deiecti, atque in custodiam retrusi sunt,
anno Christi D LXXIX. Pelagii II. papæ secundo, Gun-
tramni & Chilperici regum XVIII.

Hi iam pridem damnati, ut dictum est, & honore spoliati fue-
rant in Synodo II. Lugdunensi, sed Ioannis papæ interuentu
sedibus suis postmodum restituti. Nunc ergo, cum ad ingenium, &
pristina scelera rediissent, ac maiestatis præterea crimine insimula-
rentur, in hoc iterum Concilio episcopatu deiecti, atque in sancti
Marcelli basilicam sub custodia detruси sunt. Rem paucis explicat
Gregorius Turonensis, addens illos hinc etiam fugalapsos esse, alios-
que tandem in eorum ciuitatibus episcopos subrogatos. Sic enim scri-
bit libro s. historiæ cap. 28. Anno quarto Childeberti, qui fuit
decimus octauus Guntheramni & Chilperici regum, apud
Cabillonum ciuitatem Synodus aetæ est ex iussu principis
Guntheramni: discussisque diuersis causis, contra Salo-
nium & Sagittarium episcopos iteratur illa antiqua cala-
mitas. Obiiciuntur eis crimina, & non solum de adulte-
riis, verum etiam de homicidiis accusantur. Sed haec per
poenitentiam purgari censentes episcopi, illud est addi-
tum, quod essent rei maiestatis, & patriæ proditores. Qua
de causa ab episcopatu discincti, in basilicam sancti Mar-
celli sub custodia detruduntur. Ex qua per fugam lapsi
discesserunt, per diuersa vagantes, donec in ciuitatibus
eorum alii subrogati sunt.

CONCILIVM SANTONENSE

IN QVO NANTINVS COMES ENGOLISMENSIS
ab Heraclio episcopo excommunicatus, in gratiam ab
eodem Synodi rogatu receptus est, eodem, ut videtur,
Christi anno D LXXIX.

Rem altius repetit Gregorius Turonensis libro s. historiæ cap. 27.
Narrat enim Nantinum, ut Magnacharii auunculus sui, quon-
dam comitis, postea episcopi Engolismensis, veneno extinti necem

ANNO CHRISTI 579. *Vlceretur; inter cetera, quæ contumeliose ac violenter admiserat, etiam presbytero, ut confessionem ab eo eliceret, tormentis vitam eripuisse: atque hac de causa ab Heraclio, qui Magnachario in episcopatu post Frontonium unius anni pontificem successerat, ecclesiæ foribus prohibitum. Tum de Synodo subiicit quæ sequuntur. Conuenientibus, inquit, apud Santonas sacerdotibus, deprecabatur Nantinus, ut pacem episcopi mereretur, promittens se omnes ecclesiæ res, quas sine ratione abstulerat, redditurum, atque humilem exhibere se sacerdoti. Atille fratrum iussioni obaudire procurans, cuncta quæ petebantur indulxit. Causam tamen presbyteri omnipotenti Deo commendans, comitem in caritate recepit, & cetera, quibus Nantini eiusdem iteratam excommunicationem, infelicemque exitum describit.*

CONCILIVM BRENNACENSE

IN CAVSA GREGORII EPISCOPI TVRONENSIS,
quem Leudastes comes falso apud Chilpericum regem accusarat, anno Christi DXXC. Pelagi II. papæ III.
Chilpericie eiusdem regis XIX.

ANNO CHRISTI 580. *ACCVSARAT Gregorium Leudastes, quasi is de Fredegundis regina obtrectans, eam cum Berthcramno episcopo consuesse dixisset. Qua de causa cum Synodus in Brennaco villa Chilpericus indixisset, Gregorius, qui hoc a se dictum inficiabatur, sacramento se purgauit: Leudastes, qui calumniæ sibi conscius fugam inierat, publica excommunicatione multatus est. Gregorius ipse lib. 5. historiæ Francorum post alia quæ de Leudastis in se odio & insidiis præmittit, de Synodo in hæc verba scribit cap. 49. Igitur rex, inquit, accersitis regni sui episcopis, causam diligenter iusfit exquiri. Congregati apud Brennacum villam episcopi in vnam domum residere iussi sunt. Dehinc adueniente rege, data omnibus salutatione, ac benedictione accepta recedit. Tunc Berthcramnus Burdigalensis ciuitatis episcopus, cui hoc cum regina crimen impactum fuerat, causam proponit, meque interpellat, dicens a me sibi ac reginæ crimen obiectum. Negaui ego in veritate hæc me locutum: & audisse quidem hæc alios; nam non excogitasse. Nam extra domum rumor in populo magnus erat di-*